

DISSERTATIO INAUGURALIS
MEDICA
DE
THERMIS
MARCHIO-BADENSIBUS

QUAM
ANNUENTE SUMMO NUMINE
PRO LICENTIA
SUMMOS IN MEDICINA HONORES
ET PRIVILEGIA DOCTORALIA
RITE ET LEGITIME CONSEQUENDI
ERUDITORUM EXAMINI SUBJICIT

ARGENTORATI
CAROLUS FRIDERICUS HAUG

BADA-BADENSIS

AUCTOR

AD DIEM XV. SEPTEMBRIS A. R. S. MDCCXC.

H. L. Q. C.

ARGENTORATI
TYPIS LORENZII ET SCHULERI.

SERENISSIMO
EXCELSISSIMO PRINCIPI
DOMINO DOMINO
CAROLO FRIDERICO
MARCHIONI REGENTI BADENSI
ET HOCHBERGENSI
LANDGRAVIO IN SAUSENBERG
COMITI A SPONHEIM ET EBERSTEIN
DOMINO IN RÖTTELN
BADENWEILER LAHR ET MAHLBERG
RELIQUA.

PRINCIPI AC DOMINO MEO
CLEMENTISSIMO

MARCHIO SERENISSIME
EXCELSISSIME PRINCEPS
AC DOMINE CLEMENTISSIME!

Temeritatis suspensionem vix evitare videbor, qui Diatriben hanc inauguralem TUO SERENISSIMO NOMINI inscribere sustineam. Splendor NOMINIS Tui virtutumque TUARUM diu quidem dubitabundum me tenuit; sed Pietas verecundiam timoremque dispulit, erexit summa me Humanitas, quæ cæteris virtutibus TUIS interlucet: optima in litterarum studium voluntas: firmissimum patrocinii robur, quo omnes MARCHIONATUS TUI subditos ad intellectus culturam properantes excitare, demulcere solet. Sane persuasio animis subditorum

TUORUM altissime infixa, quod MUSAGETÆ
agnomen æque magni facias quam illud
PRINCIPIS CLEMENTISSIMI in me devotis-
simam ita acuit fiduciam, ut TIBI huncce in-
genii mei vix maturescens fœtum venerabun-
do animo dicare non verear, TUAMQUE CLE-
MENTIAM hasce studiorum meorum primitias
non contempnendam esse pia mente confidam.
Præsens, quam conspicias, Dissertatio concisam
Thermarum Bada-Badensium historiam, che-
micam illarum analysin, earumque habitum
ad corpus humanum & virtutes complectitur.

*Cui vero id magis demisso animo offerrem,
quam TIBI, DOMINO meo CLEMENTISSIMO,
PATRI PATRIÆ, ac PRINCIPI PHILOSOPHO.*

*De cætero, quod sæpe NUMEN OPTI-
MUM MAXIMUM precatus sum, id hac etiam
occasione voce publica facio religiosaque, ut
felicitati TUÆ, Princeps Serenissime! perpe-
tuitatem jubeat accedere. Vale*

*MARCHIO SERENISSIME
EXCELSISSIME PRINCEPS
AC DOMINE CLEMENTISSIME!*

Faveque

SERENITATIS TUÆ

Dabam Argentorati

die XII. Septembris Anni MDCCXC.

Cultori decotissimo

CAROLO FRIDERICO HAUG

Bada - Badensi.

Die Zergliederung der Wässer gehört zu den schwersten Aufgaben der Chemie, da bisweilen die darinnen enthaltene fremdartige Stoffen kaum den sechstausendsten Theil des Wassers betragen, und dieser kleine Theil bisweilen aus sechs, sieben bis acht verschiedenen miteinander vermischten Stoffen besteht. Hierzu kommt noch, daß einige so fein sind, daß sie unsern Sinnen entfliehen, andere binnen der Untersuchung zerlegt werden: einige in ganz anderen Verbindungen, als man sie sonst gewohnt ist, hier vorkommen: andere so genau verbunden sind, daß sie schwer, oder gar nicht rein abzutrennen sind.

K. G. HAGEN *Experimental-Chemie.*



SECTIO I.
HISTORIA.

§. 1.

Topographia.

Bada, Badena, Civitas vel Respublica Aureliana Aquensis Romanis, Baaden-Baaden Germanis, Bade dans le Marquisat Gallis, Marchionatus Badensis superioris Metropolis, sub zona temperata, longitudine 32° , $45'$ ab insula Ferro latitudine 48° , $52'$, (a) orientem versus unius & dimidiæ leucæ distantia a Rheno, Rastadium inter & Gernspacium & Steinbacium, quæ tres urbes triangulum formant, medio circiter loco posita, in regione montosa, cum illis Rhenum

(a) BRUZEN LA MARTINIER *Geographisches Lexicon*.
Leipzig 1744. fol. Tom. II. pag. 44.

in ora Germanica comitantibus concatenata sita est. Gaudet illa thermis loteriis, quæ duodecim scaturiginibus medicatas suas virtutes & incolis, & illis, qui undique illuc etiam disitis ex regionibus confluunt, ægrotis largiuntur. Urbis situs jure amœnissimus dici potest, cum non in montibus solum eam cingentibus, sed & intra ipsa urbis mœnia prospectus oculis gratissimi sese plurimi offerant; illorum vero in gratiam, qui montes ascendere aut non possunt, aut non amant, *SERENISSIMUS PRINCEPS NOSTER*, æque ac *Senatus Badensis* ambulacra in plano nitidissima fieri jusserunt. His commodis multum sane addunt munera & Bacchi & Dianæ & Cereris lautissima; Natura enim liberalis vinum illic generosissimum, pisces exquisitissimos, omnis generis ferinam, fructus horæos & cereales larga manu donat. Hospitia quoque advenis commoda exstructa, in quibus mundities cum mensæ lautitia & opportunitate loci certant. Via etiam ad thermas a parte Rhenana ducens planissima, ita ut quiete ac percommode illuc pervenire ægroti queant, nec ut solet esse ad alias medicatas aquas tesquosa & aspera, quod haud exigui momenti censendum est illis, qui viribus fracti, aut articulorum doloribus laborantes illuc appellant. Montes ibi quum latera catenæ constituent, & a Rhenana valle assurgere incipiant, uti facile intelliget quivis, qui montium structuram cognitam habet, stratis compo-

iti, alibi cotaceis, alibi calcareis, alibi argillaceis. Celebris præcipue *Terra Badensis*, argillacea, alba, sabulo commixta ad vicum *Balguculæ* ab urbe distantia situm reperiunda, singulis remotiorum terrarum, ipsis etiam Argentonensibus pro subtilioribus operibus expetita, olim etiam officinæ in qua Porcellanæ quædam species parabatur inserviens. Calcareus prope pagum ad radices rudium castelli *Eberstein* situm, a quo nomen etiam suum *Ebersteinburg* derivat, frequens reperitur, quarum sodinarum, cum thermæ nostræ cum iis meridiem versus in linea recta positæ sint, atque omnium scaturiginum aquæ ad meridiem profluentes calce infectæ sint, hinc nexum aliquem cum iisdem habere credibile sit, meminisse me oportuit.

§. 2.

Antiquitas.

Quando primum thermæ nostræ inventæ & usus illarum celebrari cœperit, accurate determinari nequit; illas autem per XVII jam seculorum spatium hominum miseriis mederi certo constat. Hujus rei disquisitionem diligentissimam jam fecit, omnia omnino vestigia jamjam perscrutatus est Celeberrimus Experientissimusque rerum antiquarum examinatus *SCHOEPFLIUS* eatenus conterraneus meus, quod e Marchionatu Badensi oriundus, Franciæ Historio-

graphus ; Argentinensis Professor , tam in *Historia Zaringo-Badensi* , quam in *Alsatia illustrata*. De Civitate Aureliana Aquensi , hodierna Badensi , verba ejus sunt sequentia : „ *Celebritatis(b) suæ veteris notitiam Civitas Aquensis Marchica non scriptis vel annalibus veterum , sed propriis suis debet monumentis , vialibus nempe cippis , quos Civitas ipsa erexit , ignara tum , fore , ut honorificum Civitatis suæ nomen , omni Romano Imperio notum , a seculi quarti temporibus , quibus Allemanni invaluerant , sepeliendum , columnæ post MCCCC annorum intervallum resurrecturæ , ex tanto intervallo posteris prædicarent . Nonnisi post nuperam enim Columnæ Alexandrinæ anastasin didicimus , urbem Aquensem Marchionum ab Imperatoribus magni habitam , Aureliæque elogio , ex ipsius Imperatoris nominibus petito , honoratam fuisse .*” Inter alias , quas nitide aeri incisas Autor noster summopere æstimatus refert tabulas lapideas Romanas unicam adducere mihi liceat , cum illa mire Aquensis nostræ Reipublicæ origines illustret ; suspensa est ea in Templo Badensium Cathedrali Collegiato , inscriptionem præ se ferens sequentem :

(b) JO. DANIEL SCHOEPFLINI *Alsatia illustrata Celtica Romana Francica. Colmariae 1751. fol. Tom. 1. pag. 568. §. 227.*

M. AVRELIO
ANTONINO
CAES. IMP. DE
STINATO. IMP.
L. SEPTIMI. SE
VERI. PERTIN
ACIS. AVG. FILI
O. RESP. AQV.

Ex qua optime patet, anno post reparatam a Salvatore nostro salutem circiter CXCVII thermas Marchio-Badenfes jam floruisse. Antiquitatis testes permultos adhuc novi, quos intes GERBERTUS (c) atque DYHLINUS (d) excellunt. Ast ne diu nimis his immorer, ad Autores aquarum calidarum Bada-Badensium vires memorantes progredior.

§. 3.

Autores.

Illi, quos perlegendi occasio mihi ipsimet fuit, sunt:

(c) MARTINI GERBERT, S. R. I. Principis & Abbatis Congregationis S. Blasii in silva nigra &c. *Iter Allemannicum, Italicum, Gallicum. Typis Sanblausianis* 1765. 8. pag. 327.

(d) §. sequente n. 7. allegandus.

- 1) JOAN. JACOB. HUGGELIUS, *Med. Doctor*; in libello: *von heilsamen Bädern des Teutschlandes. Basel. 1559. 8. pagina 20. de thermis Marchio-Badensibus loquitur: illas sulphur, sal, alumen continere asserit, easque rheumatismis, morbis a debilitate nervorum oriundis, morbis a miasmate venereo natis, scabiei &c. mederi contendit.*
- 2) GEORG. PICTORIUS *Medicus* in tractatulo: *Bäderbüchlein, oder Bericht von mineralischen Bädern Teutschlandes. Müllhausen. 1560. 8. pag. 28. de aquis Bada-Badensibus differit, tribuit illis sulphur, nitrum, sal, easque asthmaticis, epilepticis, hydropicis &c. commendat.*
- 3) JOAN. GUINThERUS ANDERNACUS *Medicus* in *commentario de balneis & aquis medicatis. Argentorati. 1565. 8. pag. 65. de aquis calidis Baden-sibus dicit: eas sale copioso, alumine & sulphure modico infectas esse; calculum, mingendi difficultatem, frigidos uteri affectus, album ejus fluorem, sterilitatem ex frigore nimio contractam &c. tollere.*
- 4) JACOB. THEODOR. TABERNAE MONTANUS in libro inscripto: *Neuer Wasserschatz. Frankfurt 1584. 8. pag. 553. ait: thermas nostras sulphuris subtilitatem possidere.*
- 5) MATTHAEUS HESSIUS librum conscripsit *de thermis Marchio-Badensibus. Spiræ. 1606. 8. in quo eandem Panaceam existere affirmat,*

- 6) JOAN. KÜFFER *Med. Doct. Pract. Argentoratensis* in libro: *Beschreibung des Marggräflichen warmen Bades. Strasburg. 1625. 8.* de thermis nostris agit. Describit ille duodecim scaturigines, quæ adhuc aquas suas edunt; illas sale, sulphure, calce, alumine gravidas esse demonstrare cupit; in enarrandis morbis, quibus proficere eas dicit, maxime versatur.
- 7) BERNARDUS DYHLIN *Philosophiæ Professor* in discursu de thermis *Badensibus. Rastadii. 1728. 8.* aquas nostras sulphureo — sale — aluminosas cum *Kirchero* appellat. Is præ antecedentibus magis commode ac sanæ rationi convenienter loquitur.
- 8) JOAN. CASPAR. METZGER *Med. Doct.* in libro inscripto: *Wohlgegründetes Bedenken über die vornehmsten Sauerbrunnen, und warme Bäder. Frankfurt. 1741. 8. pag. 58. §. 18.* de thermis in Marchionatu Badensi sitis verba injicit, se ipsum maximo cum successu optimoque effectu thermis hisce usum fuisse ait; at neque de morbo, quo laboraverat, neque de aquarum contentis loquitur.
- 9) *Anonymus* quidam, quem *Doctorem Argentinensem* WIDMER ex BELLONII libri sequentis pag. 64. esse perspicio, tractatulum sequentem conscripsit: *Abhandlung von dem*

mineralischen Gehalt, und medicinischen Gebrauch des im Marggraffthum Baaden Baaden gelegenen warmen Bades. Strasburg. 1756.
 8. Multum errat ille in Historia, atque enumeratione scaturiginum, cum duodecim loco, quæ præsentēs sunt, nonnisi sex adesse affirmet. Ille primus est, qui analysin aquarum nostrarum sistere ausus est, ast incomplete. Negat sulphuris ac aluminis præsentiam, saponem illis tribuit, easque medicamentum universale appellare audet.

10) GEORG. MARTIN. BELLON *Physic. Badens. in tentamine Physico-chymico-medico in origine thermarum Badensium. Rastadii. 1766. 8.*
 aquas nostras examinat, historiam optime conscribit, ast analysis imperfecta plane, usum nimium extendens omnibus fere in morbis consulit.

11) JOAN. FRIDERIC. ZÜKERT *Med. Doct.* in libro inscripto: *systematische Beschreibung aller Gesundbrunnen und Bæder Teutschlands. Königsberg. 1776. 8. edit. II. pag. 409.* de aquis calidis Marchio-Badensibus loquitur, illasque ibi inter aquas muriaticas ordinat; *Widneri* tractatulo innixus cum illo errat tam quoad historiam, quam quoad analysin.

12) JOAN. FRANCISC. GLYCKHERR *observationes medicas de thermis Badensibus. Argentorati.*

1780. 4. pro Doctoris gradu defendit. Jure inveteratam antecessorum de sulphure & alumine opinionem refutat, usum & effectum concinne describit.

- 13) JOAN. GOTTLIEB. KÜHN novissime edidit librum inscriptum: *Systematische Beschreibung der Gesundbrunnen und Bäder Teutschlands*. Breslau. 1789. 8. pag. 353. de aquis calidis in Marchionatu Badensi sitis verba facit. Miror utique celeberrimum huncce autorem falsa, quæ WIDMERUS in tractatuli sui pag. 3. de scaturiginibus narrat, adeo fideliter excerpisse, ut de verbo ad verbum cum illo dicat, nonnisi sex fonticulos illic inveniri, qui fama ac laude gaudeant, cum e contrario duodecim viribus utique pares, calore solum distinctos videre sit, quos, cum ordo illos tangat, jam recensere festinq.

§. 4.

Scaturigines.

Scaturiginum nomina aut ex usu earum, aut illarum situ ipsis data sunt:

- 1) *Scaturigo primaria*, incolis *der Ursprung*; e strato arenæ filiceæ pedis circiter altitudine, sub quo lapis argillaceus granis filiceis mixtus & laminulis micaceis, incum-

bens lapidi argillaceo subschistoso nigricanti, ad meridiem copiosum ita fontem effundit, ut ab eodem aquæ in plurimas ædes aquæductuum ligneorum ope deducantur. Principem huncce fontem murus in quadratum erectus ab injuriis defendit, camino desuper ascendente vaporibus exitum facilitante. Situs ejus in medio fere urbis æque ac montis ad arcem sese attollentis. Calorem possidet secundum thermometrum Reaumurianum 51° . Paucorum passuum in distantia ex eodem lapidis genere profilit

- 2) *Scaturigo ad depilanda animalia, der Brühhe-Bronn.* Infervit hæcce ad animalia e vestigio depilanda, lanionibus & coquis utique commodum adserens, cum porcus vix enecatus per quinque horæ minuta in fonte hocce submersus omnino per totum corpus depilari queat. Caloris gradus 53. possidet. Juxta hanc sita est
- 3) *Scaturigo Judæorum, die Judenquelle,* cujus aquæ in hospitium judæos ægrotos excipiens ducuntur. Gradus caloris est 54.
- 4) *Scaturigo dicta zum Ungemach,* ab hospitio hujus nominis quondam superstructo nomen desumpsit. Calor est $52^{\circ} \frac{1}{4}$.
- 5) *Scaturigo infernalis, die Höllenquelle,* in horto Familiæ Wunschianæ proprio profilit,

est ejus situs præ aliis altissimus. Calore gaudet graduum $48\frac{2}{3}$.

6 & 7) *Scaturigines limosæ, die Muhrquellen*; prope Monialium ædes sacras scaturiunt, Prima in aditu concavo, obscuro profiliens gaudet calore graduum 51. Altera in superexstructa quadrata ædícula aut receptaculo confluens aquas fundit. Gradus caloris possidet $50\frac{1}{2}$.

8 & 9) *Scaturigines nominatæ zum kühlen Bronnen*, hospitio quoque olim ipsis superimposito nomen debent. Prioris caloris gradus est $44\frac{3}{4}$. Alterius, cum ad eam accedi nequeat (est enim occulta sub aggere) ibi, ubi apparere incipit, non nisi ad gradus $37\frac{1}{2}$. calor thermometer elevat.

10 & 11) *Scaturigines appellatæ die Bittquellen*. Sub Ianionum taberna profluunt. Prior in aditu concavo per 36 pedum longitudinem ducente profilit, calor ejus est graduum 45. Altera nonnisi ad gradus 38 mercurium urget.

12) *Scaturigo Monialium, die Klosterquelle*; provenit illa in horto Monialium, ibique calorem demonstrat graduum 51.

Scaturiginum caloris differentiam ab earum se invicem distantia, mora subterranea, fluxu prolongato aut lentiore derivare nullus dubito.

His nunc absolutis, quæ historiam thermarum Bada-Badensium illustrent, ad aquarum Analysin transeo.

S E C T I O II. A N A L Y S I S,

§. 5.

Aquarum Badensium Qualitates Physicæ.

Aqua Bada-Badensis 'calida, limpidissima, odoris omnis expers, sapore levissime acriusculo, neutiquam nauseoso gaudet; ponderis ejus ad aquam destillatam proportio: $1031 = 1000$. Animadversione dignum utique censeo, aquarum nostrarum calorem, qui gradus 54 thermometri Reaumuriani attingit, nulla temporis, nullaque tempestatis permutatione, variare; cujus phænomeni veritatem idem thermometrum, tam vere quam æstâte, tam autumno quam hyeme, illis iisdemque notis mihi demonstravit, confirmavitque: unde autem perpetuus hic, grandis, semperque idem calor? Coactus, uti alii omnes, hucusque & adhucdum in hujus naturæ ænigmatis vestigio persequendo defudantes, confiteor, me imparem omnino esse, ut vel minimo etiam obscuram hanc questionem lucis radio illustrem. Neque enim quidquam mihi in tota illa vicinia detectum aut observatum est, quod vel levissimam suspicionem

de præsentibus in terræ gremio pyritis movere possit, a quibus resolutis & incaltescentibus plumi thermalium aquarum calorem derivant, aut minimum adeo momentum ad celebrem illam decidendam quæstionem conferre, ab illorum-ne pyritarum effervescencia caleant istæ quæ, an a centrali globi nostri igne, quem post KIRCHERUM nostris temporibus præcipue defenderunt clarissimi viri MAIRAN, BAILLI, BUFFON; nam reliquorum opiniones hodie non amplius audimur, qui a simplici validiori attritu, aut ventis incarceratis, aut calcareis lapidibus & quæ sunt similia calorem illorum deducunt.

§. 6.

Analysis ipsa.

Cum duplex sit heterogenea aquarum detegendi methodus, quarum una aquarum coloris mutatione, claritatis deturpatione, contenti alicujus, aut plurium simul præcipitatione Analyseos per Reagentia nomen obtinuit, imperfectior sane altera, decisionem nempe accuratam magis præbente, volatilia liberando primum, posthæc fixa omnia relinquendo, quæ concentrata eo perfectius examinari queunt, Analysis per Evaporationem appellata; hinc ut firmitus ferri possit judicium, ambas experiendi vias sum persecutus.

Analysis per Reagentia.

Ex frequentissimo reagentium numero ea tantummodo, quæ BERGMANNUS (e) atque HAGENIUS (f) commendant, utpote aptissima adhibui; quorum nunc in aquas nostras actionem hic describo. Dies operationi dicatus erat 26 Septembris, anni 1789, cœlum serenissimum, aëris temperatura $16^{\circ} \frac{1}{2}$.

§. 8.

EXPERIMENTUM I.

Tinctura heliotropii, charta eadem saturata neutiquam mutabantur.

EXPERIMENTUM II.

Aqua calcis aquis calidis immissa, frequenter quoque cum iisdem in vase mota, per viginti quatuor horarum spatium cum illis mixta permanens ne minimum turbabatur.

EXPERIMENTUM III.

Argentum nitratum aqua destillata solutum primum striis albescentibus aquam turbabat, post

(e) TORBERN. BERGMANN *opuscul. physic. chemic. Lipsiæ* 1788. 8. Vol. I. pag. 90. §. VII.

(f) CARL. GOTTFRIED. HAGEN. *Experimental-chemie. Kœnigsberg* 1786. 8. pag. 381. §. 167. n. 6.

res horas sedimentum album haud exiguum
generabat.

EXPERIMENTUM IV.

Sapo in laminulas minores discissus, in aquas
jectus e momento resolvebatur.

EXPERIMENTUM V.

Saccharum saturni sedimentum albescens ne-
que ab acido nitri, neque ab aceto solubile
præcipitabat.

EXPERIMENTUM VI.

Hydrargyrum nitratum copiosum satis sedimen-
tum albidum ab initio, postea vero turpethi
mineralis naturam induens demonstrabat.

EXPERIMENTUM VII.

Terra ponderosa salita striis albis præcipita-
tum quoque albescens in acido nitri non solu-
bile exhibebat.

EXPERIMENTUM VIII.

*Tinctura curcumæ, tinctura ligni fernambuca-
ni, chartæ iisdem imprægnatæ* nullam plane mu-
tationem procreabant.

EXPERIMENTUM IX.

Mercurius sublimatus corrosivus nequaquam
mutabatur.

EXPERIMENTUM X.

Acidum sacchari sedimentum albidum deji-
ciebat.

EXPERIMENTUM XI.

Alcali fixum aëratum præcipitatum album copia magna prosternebat.

EXPERIMENTUM XII.

Alcali volatile aëratum post quinque horæ minuta præterlapſa ſedimentum magis albescens, cum effervescencia quadam in aceto solubile proferebat.

EXPERIMENTUM XIII.

Alcali volatile non aëratum post tres horas ſedimentum albescens quoque gignebat.

EXPERIMENTUM XIV.

Aluminis frustulum aquæ immiſſum circulum ex albo cœruleſcentem efformabat.

EXPERIMENTUM XV.

Auri, Argentique laminulæ aquæ impositæ, inverſoque vitro inter aquæ superficiem & fundum vitri natantes post ſex dierum ſpatium nulla nigredine tinctæ apparebant.

EXPERIMENTUM XVI.

Arsenicum album pulveriſatum in aquam injectum colorem flaveſcentem illi ſulphuris æmulum aſſumebat, auripigmentum quaſi conſtituere videbatur.

EXPERIMENTUM XVII.

Tinctura gallarum nullam mutationis notam demonstrabat.

EXPERIMENTUM XVIII.

Alcali phlogisticatum nullam plane mutationem indicabat.

§. 9.

Corollaria ex experimentis fluentia.

Pleno jure ex praemissis hisce experimentis concludo, aquas Bada-Badenses calidas

- 1) *Acido aëreo, libero* omnino esse privatas, id quod experimentum I & II probant.
- 2) *Acido sulis* gravidas esse, experimentum III & IV docent.
- 3) *Acido vitrioli* penetratas esse, experimentum V, VI, & VII certificant.
- 4) *Alcali liberi* in aquis nostris praesentiam experimentum VIII & IX negant.
- 5) *Calcem, selenitemque* dosi copiosissima aquis inesse experimentum X, XI, XII, XIII, XIV affirmant.
- 6) *Sulphuris* absentiam experimentum XV aliquantum probat, ast *hepaticum gas* aliquod subtilissimum in aqua existere experimentum XVI probabilius docet.
- 7) *Ferro infectas* aquas nostras esse experimentum XVII & XVIII omnino contradicunt.

*Analysis per evaporationem.**Volatilia.*

Aquarum ex scaturigine primaria recenter haustarum libræ XVI retortæ vitreæ infusæ, secundum methodum a BERGMANNO traditam igni ad ebullitionem usque exponebantur; ex hi aëris puri, atmosphærici, qui neque aquam calidam, neque tincturam ullam mutabat, neque flammæ candelæ obnoxia esse videbatur, pollices XVII cubicos obtinui.

Fixa.

EXPERIMENTUM I.

Prædictæ hæ aquarum libræ XVI successivè ad uncias duas atque dimidiam evaporatione lenta concentratæ, balneo maris calore graduum 65 penetrato immisæ, mox in superficie stellulas minores demonstrabant, quæ per noctem quiete refrigeratæ, altera die separatæ, efficatæ, *selenitis* grana 63 exhibebant. Residuum quod litera A notavi efficati pondus erat grorum 487.

EXPERIMENTUM II.

Huic residuo A superinfusæ sunt spiritus viri rectificati uncia 4, quæ post spatium horarum viginti quatuor præterlapsum, per quod fluidum in vase contentum frequentius agitabatur, p

chartam bibulam ponderis antea noti filtratæ sunt. Residuum B notatum edulcoratum, exsiccatum, granorum 9 jacturam, ergo a spiritu vini solutionem C litera insignitam exhibuit. Ponderis residui B grana 478 exæquavit.

EXPERIMENTUM III.

Solutio spirituosæ C dicta in patera vitrea evaporata massam relinquebat deliquescentem ponderis granorum 18, cui addita sunt grana 8 acilivitrioli soluti, quorum admixtione vapores acidi muriatici sese elevabant; mixtura hæc ad ærem exsiccata *calcis salitæ* grana $6\frac{1}{4}$, *magnesie alitæ* grana 11 præbuit.

EXPERIMENTUM IV.

Residuo B granorum 478 superinfundebantur aquæ destillatæ unciz 4, quod per horas viginti quatuor sæpenumero motum, posthæc filtratum in filtro *seleniten* purum, qui exsiccatus granorum 11 pondus exæquabat, reliquit.

EXPERIMENTUM V.

Solutioni aquosæ, quæ filtrum transierat, & litera D inscripta erat, lixivium sanguinis, æque c. hepar suluhuris volatile immittebantur, ast neutrum *metalli* alicujus vestigium prodidit.

EXPERIMENTUM VI.

Eadem nunc solutio D calore leniter evaporata, post paululum temporis crystallos prismat-

ticas, nitidas, *salis mirabilis* GLAUBERI, ad aërem crySTALLIFICATIONIS aquam mox amittentes, granorum $63 \frac{1}{2}$ pondere exhibebat; hancce vero crySTALLIFICATIONEM illa *salis communis* seu *culinaris* granorum 410 excipiebat.

§. 12.

Corollaria.

Summam ergo fixorum, quæ obtinui ex aquarum libris sedecim, hic appono; sunt:

		dr.	gr.	dr.	gr.
<i>Selenitis</i>	Experimentum I.	1	3	}	14
	Experimentum IV.	—	11		
<i>Calcis salitæ</i>	Experimentum III.	.	.	—	$6 \frac{1}{4}$
<i>Magnesiæ salitæ</i>	Experimentum III.	.	.	—	11
<i>Sal. mir. Glaub.</i>	Experimentum VI.	.	.	1	$3 \frac{1}{2}$
<i>Salis culinaris</i>	Experimentum VI.	7	.	6	50
					<hr/>
					9 24 $\frac{3}{4}$

§. 13.

PRODUCTA AQUAE.

Tophus.

Ad superficiem externam receptaculorum lapideorum æque, in quibus aqua ad ipsas scaturigines continetur, quam ad ligneorum, intra quæ in domibus balneo dicatis conservatur, &

utrobique ibi tantum ubi aqua redundat, uti & in illis locis ubi aquaductus lignei, per per quos aqua decurrit, rimas egerunt, formatur crusta subcrystallina, plurimum sæpe pollicum crassitie, crystallis prismaticis, gracilibus, quasi fibrosis, acicularibus, divergentibus, (g) oblique dum franguntur texturam spathosam ostendentibus, intermixtis rarius crystallulis minutissimis rhomboidalibus. Firma est ac dura, quamvis ungue abradi partes possint inter digitos friabiles, pluribus distincta stratis, (h) colore

B 3

(g) Ob tenuitatem numerus hedrarum prismatis determinari haud facile potest: verum ob modum, quo in universum hæc prismata disposita sunt, videntur pertinere ad illud *spathum calcareum prismaticum pentahedrum*, quod primus distinxit & determinavit celeb. DE LA PEYROUSE in *Mém. de l'Acad. de Toulouse* Tom. I. pag. 303. quod quidem tanto magis videtur, quod descriptum ibidem pag. 304. specimen ex loco nobis vicino *Schmieheim Ortenaviæ* provenit, atque a viro lapidum gnaro ad Dm. DE LA PEYROUSE, uti certo scimus, missum est.

(h) Strata hæc voco, quia revera per strata formantur, alia duarum, alia sex & plurium linearum crassitie, quæ quantum ad sui formationem temporis requirant in posterum observare animus est. A se invicem alia non secedunt, etiam malleo percussa, sed sunt potius tenues nigricantes zone, quæ videntur ortæ esse ex limo, qui superficiei convexa, aspera, & ex summis acicularum prominentibus apicibus formate incubuit, cui post aliquam moram

nunc luteo, nunc sordide cinerescente, nunc magis fusco variantibus. Vidi talem tophum, qui cavitatem subrotundam fere semipollicarem includit, cujus superficies armato oculo spectata nitens est, & quasi vitreo cortice obducta.

novum acicularum stratum innascitur, quarum extremum inferius ita inferitur interstitiis acicularum ex quibus inferius stratum compositum est, ut se arctissime contingant, & unum quasi continuum formare videantur, nullo jam modo discretum, nisi discolore illa linea; alia autem frustra malleo percussa in strata, quoad partem saltem, secedunt, atque tunc semper superficiem utramque fuscam vidi, quia sine dubio limus sese interposuit, qui effecit, ut jam strata facilius separentur. Ceterum omnium thermalium aquarum sedimenta fibrosam hanc crystallinam, fasciculatam, & quasi cerealis culmi mergitem referentem formam assumere crediderim. Habent enim *thermarum Carolinarum Bohemiae*, quem tophum *Sprudelstein* dicunt, licet longe magis polymorphum & subtilioribus fibris, & magis Magnetisæ terram continentem: habent *thermarum Wisbadensium*, cujus fibræ incredibilis sunt subtilitatis, & interstitia inter se relinquentes. Cur autem ex aqua continuo mota (nam iis in locis tophum nasci supra dixi, ubi aqua redundat, & effluit) lapis oriatur crystallinae formæ, cujus ortus alias quietem requirit, id fateor me haud intelligere. Sal commixtum non potest in causa esse, quoniam & hujus crystallisatio quietem exposcit; atque etiam sine sale fibrosi, subcrystallini lapides calcarei, zeolithici alique formantur.

Incolæ *Baadstein*, id est *lapidem balnearem* huncce tophum appellare solent. Asslatu oris aut alio more humectatus hic lapis odorem modo spargit vix ullum, mox satis fortem, terreum, argillaceum, qui tanto validior mihi visus est, quo latiores erant nigricantes zone, & præcipue si nigredo ipsam superficiem occupabat. Sapor ejus pro lapidum varietate tam loci ex quo desumuntur, tam coloris quo gaudent nunc leviter fallus, nunc plane nullus. Tophus hic crystallinus in aqua difficillime solvitur, cum quolibet acido supersuso effervesceat, igni ad incandescentiam usque expositus per duas continuas horas, in massam informem mutatur, quæ aëri exposita in pulverem fatiscit, neque cum acidis amplius effervesceat.

§. 14.

Experimenta cum topho instituta.

EXPERIMENTUM I.

Duæ uncia hujus tophi in tenuem pulverem redactæ, in vitreo mortario spiritus vini dephlegmatissimi unciiis sedecim infundebantur, & sæpius agitando in leni calore per 48 horarum spatium relinquebantur. Quo tempore elapso, spiritus ardens flavescente colore tinctus apparebat & per filtrum transmissus erat pondere dr. 14. gr. 53. soluta proinde erant dr. 1. gr. 7. Spiritus vini abstrahabatur ut duæ tantum uncia remanerent, dein ad unam evaporabatur, eratque limpidissimus, colore flavo. Duabus unciiis aquæ

mixtus & per filtrum transmissus reliquit substantiam, granorum $3\frac{1}{2}$ pondere, quæ nihil aliud quam *substantia extractiva* esse videtur, & super prunis dulciusculum odorem spargebat. Jam hæc spirituosus liquoris cum aqua miscela quæ per filtrum transierat, ad siccitatem evaporabatur blando calore, sed nullæ formabantur crystalli, remanebat modo unctiuosa massa, quæ rursus in aqua soluta & diluto acido vitriolico guttatim affuso dimittebat gr. 55. quæ *selenitem* se esse ostenderunt. In residuum instillabatur alkali phlogisticatum, obtinebaturque præcipitati pulcre cœrulei quantitas quæ post edulcorationem & exsiccationem pendebat gr. $5\frac{1}{2}$. Reliquum alkali volatili caustico præcipitatum gr. 12. *Magnesiæ* exhibuit.

EXPERIMENTUM II.

Jam residuo ab exper. præc. dr. 14. & gr. 53. quum magnam quantitatem selenitis in illa substantia exspectarem, cum octo libris aquæ coxi. Tum trajeci per filtrum super quo remanebat substantia, quæ siccata dr. 5. gr. 13. pondere erat. Hæc rursus cum aquæ quatuor libris cocta & filtrata solummodo 19 grana aquæ transmisit.

EXPERIMENTUM III.

Solutio prior experimenti præcedentis ad uncias octo evaporabatur, ubi statim magna squamularum quantitas in superficie formabatur, & post refrigerationem multum *selenitis* ad fundum

deponebatur, post edulcorationem & exsiccationem dr. 1. & gr. 42. ponderans. Reliquum ad cuticulam evaporatum & ad crystallisationem repositum exhibebat *sal commune & glauberianum* mixtis utriusque crystallis, quæ separata & seorsim denuo solutæ rursusque crystallisatæ exhibuerunt hujus, *glauberiani* scilicet, dr. 2. gr. 15. Illius autem, sive *culinaris* dr. 5. gr. 16. Ex reliquo liquore qui nullas amplius crystallas exhibebat aqua destillata diluto, alkali plogistificati ope præcipitatum sordide vitescens obtinebatur, post allusum acetum destillatum pulcre cœruleum in colorem conversum, & exsiccatum 9. grana ponderans: ipse residuus liquor *salis culinaris* 25½ gr. adhuc crystallisationis artificio largiebatur. Liquor alterius coctionis experimento secundo institutæ post evaporationem nil nisi *selenitis* gr. 27. & *salis culinaris* gr. 4. exhibuit.

EXPERIMENTUM IV.

Residuum insolubile quod secundo in experimento super filtro manserat, ponderis dr. 5. gr. 32. immittebatur vitro ita comparato ut excussas acriformes substantias per tubulum incurvatum transeuntes aliud vitrum hydrargyro repletum excipere posset. Ita sensim & guttatim superfusis aceti Westendorphano more concentrati unciiis duabus, aëris fixi sive acidi aërei obtenti sunt pollices cubici 79. qui ponderat gr. 39½.

Post horas 48 defuso & ad ulterius experimentum seposito liquore denuo uncia dimidia aceti instillabatur, sed ne minima quidem observata solutione. Itaque aliquoties aqua destillata edulcoratum residuum & exsiccatum ponderis duarum drachmarum cum granis quinquaginta sex jacturam factam esse ostendit.

EXPERIMENTUM V.

Solutio aceti ope facta in exper. præc. aqua destillata diluebatur, & vitrioli acidum tamdiu affundebatur, donec non amplius turbaretur. Præcipitatum edulcoratum & exsiccatum exhibuit *selenitis* dr. 1. gr. 59. Liquori superstiti affusum alkali volatile causticum præcipitem dedit terram, quæ edulcorata & calcinata granorum 57 pondere fuit. Eam *magnesium* esse apparet ex eo, quod acido vitriolico juncta, ipsissimum sal amarum sive *magnesium vitriolatum*, omni dote convenientem, exhibuit. Ex reliquo liquore etiam fixum sal alkali nil amplius præcipitavit.

EXPERIMENTUM VI.

Jam residuum in filtro juxta experim. IV. pondere dr. 5. gr. 32. postquam acidi aërei 79 poll. cubicos qui 39½ grana ponderant, amisit, & ex quo eodem in experimento duas drachmas cum granis 55 acetum receperat, non amplius nisi dr. 1. gr. 57. erat pondere. Inde abstraxi ex retorta dr. 5. acidi Vitriolici fortis; ita soluta sunt.

& acidum subierunt grana 61 $\frac{1}{2}$. Addito sale alkali minerali præcipitata est *terra aluminis* sive *argillacea* pura, quæ post ignitionem grana 56 ponderavit. Residuum grana 55. ponderans tanquam puram *terram siliceam* omni modo se exhibuit.

Itaque sequentia in hoc topho thermali contenta assumenda: Unciæ duæ continent

		dr. gr.	dr. gr.
<i>Selenitis</i>	Experimentum I. — 55	}	5 3
	Experimentum III. 1 42		
	Experimentum III. — 27		
	Experimentum V. 1 59		
<i>Terræ argill.</i>	Experimentum VI. : .		— 56
<i>Magnesiæ</i>	Experimentum I. — 12	}	1 9
	Experimentum V. — 57		
<i>Terr. silic.</i>	Experimentum VI. . . .		— 55
<i>Sal. mir. glaub.</i>	Experimentum III. . . .		2 15
<i>Sal. commun.</i>	Experimentum III. 5 16	}	5 45 $\frac{1}{2}$
	Experimentum III. — 25 $\frac{1}{2}$		
	Experimentum III. — 4		
<i>Terr. mart.</i>	Experimentum I. — 5 $\frac{1}{2}$	}	— 14 $\frac{1}{2}$
	Experimentum III. — 9		
<i>Extract.</i>	Experimentum I. . . .		— 3 $\frac{1}{2}$
<i>Æris fixi. f. acid. aër.</i>	Experim. VI. . . .		— 39 $\frac{1}{2}$
			<hr/>
			17, 1.

Quorum contentorum summam si quis sexaginta & uno granis superare assumti ad experimenta lapidis quantitatem mihi objiciat, respondebo: primum in his difficilibus experimentis mihi nequaquam Bergmannianam dexteritatem & experientiam & sagacitatem esse, dein me præcipitatum cœruleum pro puro martiali assumisse, quum tamen a præcipitante substantia partes accesserint; tum vero præcipue attendendam esse aquam crySTALLIFICATIONIS in salibus, quæ sine dubio salibus in ipso topho cum terreis substantiis mixtis parcior inest. Quod si etiam quis illud forte mirabitur, ex topho talia obtenta esse qualia aqua nullo modo præbuit, respondebo sine dubio martialem, siliceam, argillaceam terram &c. ab illa argilla cinerea & flava provenire qua rimæ receptaculorum oblinuntur, cujus particulæ abreptæ, in aqua ipsa parcissimæ, illis demum locis deponuntur, ubi quietior est aqua; uti materies extractiva evidenter ex ligno venit, quemadmodum infra docebo.

Neque tacebo hic illud, passim in lapidibus qui supra thermalium aquarum superficiem eminent, formari solere crustas albas, quæ sapore saltem suo quoad maximam partem ex sale communi formatas se esse docent, idemque sal muros fornicesque camerarum in quibus balnea adhibentur penetrare, atque in exteriori superficie efflorescere.

Memorabo quoque stalaclites albos, fragiles, extus crustis tenuibus irregulariter distantibus formatos, intus cavos, filamentis granulosis laxis hinc inde repletos, saporis plane nullius, qui in fornicibus suspensi hærent, & sane nullo modo ex transudante per fornices aqua, quippe quæ nulla transudat, uti alibi in cavernis, formari potuerunt, sed novum argumentum præbent, qualia quidem jam alia extant, posse quoque fixissimas terras, aquosorum vaporum ne quidem violenter motorum ope, in altum abripi & mechanico quasi modo attolli. Verum hæc qua ratione hic fiant indagare longioris res est temporis, & uberiores observationem ac otium exposcit, in quæ adeo ulterius inquirere, quando sariis meis redditus fuero, mihi propositum est.

§. 15.

Limus.

Præter tophum modo descriptum in cisternarum aquam colligentium fundo *sedimentum* aliquod ab incolis *limus*, *Baadmuhr* dictum reperitur, colorem præ se ferens nigrescentem, pulvis cujusdam consistentiam æmulans, existentiam suam absque dubio ligno putrescente (cistæ hæc nempe omnes ex ligno composuæ sunt) debet; sapore est eodem, quo aqua, elotus aliquoties aqua destillata omni sapore privatur, neque aqua ebulliente, neque spiritu vini solvitur; exsiccat, igni superimpositus, somitis ad instar

ignem fovet, atque odorem, illi ligni putrefacti æqualem, spargit. *Selenitis*, atque *salis* particulas quoque, at dosi maxime exigua illi commixtas esse deprehendi.

Hicce ergo analysi integra absolvitur; restat mihi nunc tam aquæ, quam illius productorum in corpus humanum actio, scopus meus principalis atque primarius, quem nunc sectione ultima sum expositurus.

SECTIO III.

USUS MEDICATUS.

§. 16.

Panaceam salutare foterias aquas, quas laudandas susceperunt, uti in more est plurimis scriptoribus, sic etiam illorum multis qui nostras Badenses celebrarunt. Hic nullus fere morbus est, nulla pars corporis, quam non nefas ducant præterire. Mihi liceat in laudibus sobrio esse, nec sequi empiricos, aut illos qui dum buccinatores agunt, vel quæstum vel famam vel favorem aucupantes efficiunt illud, ut apud rerum gnaros etiam in illis quæ veritati sunt consentanea fidem non reperiant. Mihi Badensi, qui hæc quotidie coram vidi, de viribus thermarum nostrarum persuasum est; loquuntur illas innumeræ practicoꝝ medicorum in nostris regionibus observationes. Quam sæpe quæ aptissime

& ex artis regulis administrata medicamenta efficere nequiverunt, effecta sunt ab his nostris aquis; quam sæpe inceptæ curationi colophoni imposuerunt! Verum scitur & illud quantum aëris mutationi, animo curis soluto, exercitio corporis, diætæ strictius observatæ, balneis statis temporibus adhibitis & repetitis, subsequente diaphnoico regimine, debeatur. Non ideo sua laude fraudandæ sunt quæ in thermis nostris continentur salinæ terreæque particulae. Illarum potius efficaciam multorum seculorum observationes loquuntur, atque adeo non in dubium illa potest vocari, ut si quis illis abutatur, noxios quoque experiri possit effectus. Etenim obijcitur aquis nostris, neque diffitendum est, alvum obstruere illarum potum in multis; & forte aptius magna ista quam continent terræ quantitas exularet. Verum haud pauca sunt quæ ad objectionem istam possunt regeri. Primum rarius & parca dosi bibuntur aquæ, longe frequentius balnei forma adhibentur. Monentur illi qui aquis his se addicunt, ne nimis magna copia bibant. Dein uti semper ita & hic a juvenibus & nocentibus prima petatur indicatio, & vel a Medico moneantur illi quibus aquæ potus non conducit, vel non bene ferentes usum internum omittant, vel adjecto medio sale aut quovis alio modo corrigant. Attendendum & illud, selenitem difficilius utique solubilem, & qui nullo modo neque in primis neque secun-

dis viis boni quidquam præstare posse videtur; contemperari & obvolvi quasi maxima quantitate muriatici salis, salis Glauberiani haud exigua & fere selenitis quantitatem æquante, adesse quoque nonnihil magnesiæ salitæ, ut sexies cum dimidio plus salium solubilium aquæ insit, quam illius difficulter solubilis terrei salis, selenitis. Quin quod hic illud fere accidere dici posse videatur, ex pluribus arcte inter se conjunctis, oriri corpus privarum qualitatum, singularium virium, in quo proprietates unius ab altero mutantur, corrigantur, destruantur; cujus rei, præter id, quod Theriacæ defensores hoc argumento usi sunt, præter ea quæ in salium metallorumque miscela notissima sunt, vel in ipsis nostris aquis aut potius illarum topko crySTALLINO quem deponunt luculentissimum testimonium habemus. Nonne enim mirum illum esse adeo lapidosi habitus, adeo parum falso sapore esse, ut vix ullo modo linguam vellicet, quum tamen ultra tertiam partem ex solubilibus valde salibus componatur? Ceterum solet & in aliis qui balneo utuntur alvus fieri adstrictior, quod neque aquæ qualitibus, neque qualicunque ejus adhibitioni adscribendum esse videtur, sed copiosiori transpirationi cui balneantes indulgent, & quæ reliquas excretiones imminuere debet. Aut etiam inde provenit, quod quibuscunque alvus purgata est, ii dein plerumque per aliquod temporis spatium illam soleant experiri adstrictiorem.

etiam. Denique deponunt quoque tophum & copiosissimum quidem aliarum thermalium aquarum, uti precipue *Carolinæ Bohemicæ*, neque quidquam ideo vel earum efficaciarum vel celebritati demittitur. Neque ideo non celebratissimarum *Pisensium* aquarum calidarum, quarum plurimum calcareum tophum deponunt inter quas precipue *Pozzettianæ* selenite divites. Atque illas, uti fere nostras, omnes sal Glauberianum, sal culinare, sal amarum vitriolicum & muriaticum, terram calcaream, magnesiacam, argillaceam & siliceam continere docet G. SANTI (i)

§. 17.

Ufus Aquarum Marchio Badensium forma Potionis.

Vires in primis viis.

Itaque salinarum substantiarum solubiles aquarum nostrarum copiose inhærentes ab illis terreis quarum simul adsunt vel contemperatarum vel exarutarum, id quod comparatione consiciendum esset & experimentis cum aqua institutis in quibus eadem salia absque terra soluta forent, & quarum eodem modo

(i) *In analisi Chimica delle acque dei bagni Pisani e dell' acqua acidula di Asciana.* Pisa. 1789. 8.

Quem libellum quidem non vidi, sed ista tantum desumsi ex *Götting. Anzeig. von Gel. Sach.* 1790. 112. Stuck.

& iisdem quæ in §. præced. dicta sunt accedentibus exhibenda esset, fordes induratas, mucum viscidum, humores digestionem noxios solvent, & stimulo, motum intestinorum peristalticum movente ex corpore subducent. Non ergo mirandum, unde vires leniter per alvum evacuant illarum aquarum potionem incipientibus sese demonstrent, quæ autem evacuatio post tres quatuorve dies, cum aut evacuanda excreta jamjam sunt aut natura jam magis assuevit vel diminuitur, vel mitigatur. Ex hoc effectu primario oritur secundarius, ventriculi atque totius intestinorum tractus robur renovatur, omnia nempe digestionis atque exinde oriundi succi chylopoietici, gastrici, intestinalis impedimenta e medio tolluntur. Monitum autem jam est supra, aquam hanc non nimis magna copia bibendam, atque ad alia quoque respiciendum esse, inde enim plus detrimenti, quam expectati commodi profluere visum est. Dosis proportionatam magis esse censeo libræ dimidiæ ab initio ad libram, ad summum duarum, quæ ut demulcens magis evadat, lactis caprini, asinini, vel vaccini parte tertia misceri solet, atque hac ratione aliquantum temperata mane hausta optatos sane effectus producet.

Vires in viis secundis.

Sanguinis massæ immixtæ aquæ nostræ præ-
 tantissimas in ea mutationes procreant, spissio-
 es illius partes attenuando, acriores demulcen-
 o, tenaciores resolvendo, integram sangui-
 nis summam diluendo, corrigendo, heteroge-
 nea per urinam, alvum, atque transpirationem
 aphoresi vix sensibili eliminando. Præter hæc
 asis omnis generis robur ab illis impertiri con-
 udere æquum est. Aptissimus ergo earum usus
 morbis, ab humoribus, tenacitate, acrimo-
 a, spissitudine nimia peccantibus oriundis sua-
 tur, inter quos morborum chronicorum ma-
 nus numerus recenseri poterit; inprimis affe-
 ctum, debilitatem ventriculi, intestinorum,
 orumque viscerum pro causa agnoscentium,
Dyspepsia, Lienteria, Nausea, &c. tunc omnis
 aeris obstructions, quæ aut viscera nutritio-
 dicata, aut alia succorum dilutioni depura-
 ni destinata, aut ea excretioni alicui de-
 iata, occupant, quales sunt *Anorexia* a slo-
 chi materia cruda repletionem proveniens; *Car-*
lgia, a materia acri, biliosa, viscida, gene-
 ra; *Fluxus cæliacus* ab impedimento resorptio-
 aut secretionis chyli natus; *Dysenteria* a col-
 e pituitæ, acrioris bilis corruptæ, putridæ;
 in intestinis, quam in sanguine ipso orta; *Coli-*
*ilio*sa ab ejusmodi causa producta; *Affectiones*

hypochondriacæ, hysterica spuria, ab inordinata alvi excretionē, digestionē læsa productæ; *Mensium suppressio & inde orta sterilitas &c.* quibus morbis aut debellandis aut levandis aquas nostras pares esse exemplorum millia testantur.

§. 19.

Usus Aquarum Badensium forma Balnei.

Badensibus thermis qui balnei forma utuntur non in una aliqua majori piscina socialiter sedent, cœu in thermis Ferinis & quibusdam aliis usitatum est, sed quatuor sunt diversoria aut meritoria tabernæ, a Salmone, Cervo, Veredario, & Dracone denominatæ, in quas aquæ thermæ per aquæductus ducuntur, & ex receptaculis, in quibus ibi conservantur, per balneatoria labra in peculiaribus distinctisque cameris seu fornicibus disposita distribuuntur. Illis adeo quilibet seorsim & proprio sub tecto balneum ingreditur: quod sane haud exiguo balneantibus est commodo.

Facile apparet, dum illuc aqua devenerit haud parum refrigerari illius temperaturam quæ pro variis scaturiginibus, inter $37 \frac{1}{2}$ & 40 gradum Reaum. ambigit. Neque enim illud calorem aut ferret corpus humanum, aut a summo quem perferre posset, bene haberet, a sine multo periculo illi immitteretur; id quod

satis & experientia & Pathologorum præcepta
 docent. Satis scitur illud, balnea gradu 25to
 circiter calentia aptissime adhiberi. Itaque ad
 illum gradum vel mora vel assusa frigida Badensis
 aqua deducitur. Quinam autem sit in genere
 aquæ effectus quatenus corpus ambit, contin-
 git, premit, & in humores absorptione recipi-
 tur, quantum hic effectus augeatur calore ac-
 cedente, hæc omnia adeo sunt nota, & omni
 balneo propria, ut hic repetere inutile futu-
 rum esset. Intendi virtutem, si accedit transpi-
 ratio, cui & ante & post balnei ingressum in-
 dulgetur, si accedit corporis motus, & cura-
 tior diata omniaque illa quæ supra dicta sunt,
 cur, adeo sæpe dicta quum sint, repetam? His
 sese jungunt aquæ nostræ contenta, particulæ sa-
 linæ copiosæ, quæ incidente, resolvente, atte-
 nuante virtute agunt & quidem in lymphatico
 magis systemate ubi maxime recipiuntur & hæ-
 rent, & postquam lente & blandissime affectus
 suos ediderunt, transpiratione rursus expellun-
 tur. Et jam ratione terrearum particularum
 quæ aquis nostris insunt, & quas forte culpa-
 re quis velit & mavelit illas abesse, nonne po-
 terit illud dici, eas esse quasi aliquam spon-
 giam bibulamve basin, quæ uti est subtilissima
 tenerrime que divisa, sic aptissima quæ acres sub-
 stantias, scabiei, rheumatismi similesque mate-
 rias absorbeat, figat, secumque vel diaphoresi
 vel diuresi abripiat & ex corpore eliminet.

Comparativis experimentis hoc mihi videtur conficiendum esse, quæ tamen factu haud adeo facilia mihi videntur, ut scilicet tentetur, quænam futura sit in curatione diversitas, si ejusdem temperamenti homines, eodem laborantes morbo, alius simplicis aquæ balneis uteretur, alius aquæ in qua tantum salinarum substantiarum inesset, quantum est in nostra, alius denique balnea adhiberet ex hac ipsa nostra aqua, ubi adeo salinis illis particulis accederent terreæ. Cetera omnia ratione regiminis prorsus paria esse debere per se patet. Fallor, aut quicumque fuerit eventus aquas nostras debitæ laudes manebunt. Si enim potior erit nostris aquis virtus, præ istis victoria his erit decernenda, & fatendum terreas particulas tantum abesse ut noceant, quantumvis sint copiosæ, ut illis potius plurimum virtutis debeatur. Sin istis simplicissimis aut saltem salibus imprægnatis balneis eandem vim esse constiterit, tunc licebit cuilibet istis uti, quocunque in loco placuerit, ubi facilius, minori dispendio numorum & temporis, jucundius, commodius, omnia illa conjuncta reperiatur, ut sine sumtibus calefactam habeat aquam, præparata labra munda & peropportuna, ut modico pretio laute instructam mensam reperiatur, amoenitatem loci, domi forisque, ut a curis absit domesticis, confabulatione, societatis & variorum hominum consortii voluptate, deambulatione vel in planitie vel

in arduis, sive, si mavelit, solitudine & prospectu saltem variato frui possit; ut non fractis membris ad hunc multifarium sanitatis fontem appellat, & si ibi jam moretur, non ipsa ardentis Sirii hora, medio sæpe die brumalia experietur frigora, & domi conclusis fenestris ad focum detineatur, quod illis soteriis fontibus accidere solet, qui in asperrimis & fere inviis reductis vallibus siti sunt; ut maturius etiam proinde illuc proficisci, & in seram quoque æstatem, si placeat, morari possit. Hæ sane sunt prærogativæ, quibus nescio an multi alii, & nulli sane his nostris in terris, fontes gloriari possunt.

Sed usque dum ista de quibus dixi experimenta capta erunt, loquatur experientia & plusquam sesquimillennarii ævi fama. Non quidem tabulis consignatæ sunt multæ productæ ab aquis nostris curationes, non Ailhaudio moere cumulatæ epistolæ, quæ lætos effectus ebuccinent; sunt tamen illis multo plures & longe lateque per omne illud ultra trecentorum lustrorum spatium celebratæ & per ora virum circumlatæ atque diffusæ. Paucas, ex magno numero, recentiores descripsit Exper. GLYCKHERR (k). Verbo, ad achores, tineam, favos, impetiginem, lepram, elephantiasin & omnis

(k) JOH. FRANG. GLYCKHERR *observationes medicæ de thermis Badensibus. Argentorati. 1780. 4.*

generis scabiem, ad scrophulosum humorum vitium, ulcera maxime cacoëthea, & multa venerei morbi symptomata, Badenses aquas balnei forma adhibitas plurimum valere in confesso est.

§. 20.

Usus Aquarum Badensium forma Stillicidii.

Validius agere thermale aquas, si fluiditati & calori accedat motus, & impulsus ex casu ab alto factus, unde protruditur quasi liquidum & inculcatur, & quæ jam in cute hærent magis versus interiora promoventur, ipsoque leni attritu guttarum frictionem blandam æmulante pori cutanei magis ad resorptionem apti fiunt, tam ratio quam experientia demonstrat. Atque huic etiam embregmati applicando in balneis nostris omnia adaptata sunt, plurimæque sunt observationes, quibus constat stagnantes humores hujus usu potenter fuisse discussos, quæ riguerant ad flexilitatem fuisse reducta, membris vel a rheumatica vel alia materia dolentibus, induratis ligamentis ad ancylosin dispositis, & articulis vel prorsus moveri nesciis, vel cum dolore motum exercentibus summo cum successu

aquas nostras hunc in modum adhibitas fuisse. Atque non modo istorum, sed & tumorum frigidorum, præcipue fungi articularis, dolorum osteocoporum, rheumatismorum venereorum, atque ab eadem venerea causa ortarum exostosium curationes plurimas vidit & testabitur Vir Experientissimus & ad Aquenses therinas Prædicus felicissimus JOSEPHUS KRAFF. Solet antequam stillicidium adhibeatur, aqua per duos saltem dies pota & simplici balneo, corpus præparari, neque facile, si speciales quidam casus excipiantur, vel ultra 20^{um} gradum calente aqua fieri, neque ex majore quam quatuor aut quinque pedum altitudine cadente. Qui id non observant irritabilioris naturæ inflammationes quandoque & vehementissimos dolores experiuntur.

§. 21.

Usus Limi Aquarum Badensium.

Solent multi, ne quidquam inexpertum relinquant, (nam qui dolent remedia & solamen undecunque anquirunt) ipsum etiam limum in fundo conceptaculorum ligneorum depositum cataplasmatibus loco imponere, ita ut post balnei

æ embregmatis usum, in lecto transpirationi dum indulgent, panno illitum per dimidiæ circiter horæ spatium applicent; quo modo in ancylosibus præcipue salutarem effectum edidisse observatum est. Et sane, quum extractivam præcipue substantiam ligni in illo contineri viderimus, emollientem resolventemque virtutem habere apparet. Adeoque qui huic præ aliis confidunt, (nam & confidentiæ sunt suæ in curationibus partes) illis utique relinquatur illius usus: quamvis ad rem præsentem delectis, & ex arte inventis, atque ut vocant appropriatis cataplasmatibus certior utique ac promptior effectus expectandus esset,

§. 22.

Usus Tophi Aquarum Badensium.

Denique multi etiam tophum istum ab aqua depositum solent in usum vocare, non quidem dum ad thermas versantur & quotidie ipsum balneum adhibere possunt, sed portionem quandam secum in patriam auferunt, quando vel non per sat longum temporis spatium ad thermas morari possunt, vel non sufficientem & expecta-

tionis suæ respondentem effectum experti sunt. Tum domi in pulverem contritum, & cum aqua in pultis speciem coquunt, membrisque affectis imponunt. Non autem earundem possunt esse virium omnes hujus lapidis portiones, quoniam alias aliis sale magis esse divites supra observavimus, quare plus minusve adjecto sale acui & intendi vis posse videtur.



T H E S E S.

I.

Ventriculus neque frictione neque trituratione in cibos agit.

II.

Ciborum digestio nulla fermentatione perficitur.

III.

Motus intestinalium peristalticus non ex illorum nervis, sed ex fibrarum eorumdem muscularium irritabilitate dependet.

IV.

Lues venerea absque Mercurii usu numquam radicaliter sanatur.

V.

Thermarum usus vi illarum diaphoretica maximam partem virtutes soterias demonstrat.

VI.

Opium dosi heroica assumtum in sanguinem vehementissime agit.

VII.

Mercurii sublimati usus internus ab aliquibus haud injuste rejicitur.

VIII.

Diarrhœa atque Dysenteria nonnisi acrimoniæ in causa existentis gradibus differunt.





